

地理志七

光緒順天府志二十五

寺觀

江陰繆荃孫纂

幽冀象教始於元魏盛於隋唐遼金元明又復崇尙一時上行下效大璫巨室爭出金錢布施以爲邀福之計琳宮紺塔崇隆畿甸而況田盤峙其東大房束其西山谷幽渺緇流翕翬靈跡旣著名緣遂深仰瞻招提倍思禪悅近今民力彫敝修築之風亦少衰矣爰考其締構類其事蹟以爲此篇增都城伽藍之後亦鏡古者之所資也志寺觀

良鄉

天王寺在縣治東南

寺舊爲僧會司

良鄉楊志

宏恩寺在縣西南二十里大道旁

寺爲明萬厯壬寅御馬監太監楊君用建

舊聞考一百三十三
楊志云天啟中建

誤後神宮監太監趙良御馬監太監盧永壽張然重修規制宏

敞爲邑中第一大刹庚戌賜佛大藏經及諸品佛經

据王舜鼎
宏恩寺碑

寺外古木成林綿亘里許夏日濃陰夾道行人至此煩暑爲之

頓消

良鄉
楊志

康熙五十七年重修乾隆時燬於火奉

旨修復

舊聞
考

有慶寺在縣南郊勞臺西

寺於乾隆二十五年建

舊聞考一
百三十三

壽因寺在縣北三里許塔灣邨

明萬厯中僧人體空建原名十方院

國朝康熙五十一年莊親王隨

駕過此重修迺易今名有碑在寺內院宇清幽花木繁盛往來使

者多駐節於此

良鄉楊志

恩惠寺在燕谷店西石路旁

寺建於明後有藏經閣係明時頒發

良鄉楊志

固安

法華寺在縣口二十五里白垆

遼重熙間建有碑記

固安陳志

龍泉寺在縣東十八里知子營

遼統和十年建元至正間重修有碑記

固安陳志

慶圓寺在縣南二十里新務

元皇慶元年建有湛然同寂碑銘

固安陳志

慧峰寺在縣南五十里林城邨

寺遼大安七年建王鼎作記明崇禎二年重修進士葛逢夏有

記固安陳志

石佛寺在縣東二十里永定河德義鄉

康熙間河水漲溢漂流石佛像九尊止于是邨眾異之構殿祀焉累著靈蹟今佛像每逢陰雨則通身皆潤若遍體如汗滴則

天必大雨固安陳志

永清

三塔寺在城外東南隅

一名會福寺唐刹也

上林彙考宋之問題會福塔院詩如湧浮圖近紫霄芙蓉仙苑禮羣僚海天遙奉

金輪日盡遣禎祥歸聖朝周聖厯二年二月八日武隆縣令聞生元相造為

金輪聖神武皇帝造四面象并浮圖一所永清周志旁有明王象雲

撰碑明萬厯十一年重修有張惟誠撰修寺碑記據萬厯重修會福禪林記

龍泉寺在縣西北十五里辛窖邨

一名龍演寺唐時所建西阡爲白石塔約高七八丈隆起半空其基四面雕鏤綺櫺交螭瑣紋極爲工緻上共十三層簷角風鈴猶有存者年月磨滅未識何代始也

舊聞考一百二十三

隆慶寺在縣西十三里义口

寺本名遵北建于遼天祚乾統九年明改寺名萬厯十七年重修有張惟誠撰修寺碑記

据萬厯重修隆慶寺碑

舊有香爐石基在殿乾

統中所立今已無矣

永清周志

又中义口隆興寺遼開泰三年建塔

於此今塔已廢惟有白石香爐高廣尺許形製古樸篆文漶漫

不可辨有明萬厯十年御史傅好禮撰碑記

寺院册

龍泉寺在縣東南五十里信安鎮

遼太康時王孝子若汴施地建金天眷元年比丘去憂與其徒再建法堂一座中繪毘盧四智佛象兩邊十六高僧大定二年

敕賜號曰普照禪寺有侯邦達撰碑記三年庚辰立

据大定普照禪院碑

記

明天順五年比邱行奎重修有趙昂重修碑記一後殿有心

經半截殘碑首書奉爲燕國范陽王唐時物也碑嵌入壁間寺東有井出甘泉可供十方之眾院內果樹一百餘株濃綠灑襟蔥蔥鬱鬱鎮又有萬巢寺有正德十二年御馬監太監張忠鑄銅鐘一上鑱三十五佛名下鑱般若密多經又順治□年修寺碑一劉瀾撰文

永清周志

保安禪寺在縣南南辛溜

寺建於明宣德初寺僧覺昂創始也有成化十八年壬寅修寺碑記久之淪入地中康熙四十年縣人重修掘地得之重立於殿東龜趺之上迄今苔暈猶存寺內有宋燕山府永清縣景隆鄉新留里王士宗建幢上刻智炬如來心破地獄真言宣和七

年立又金中都大興府永清縣景隆鄉張□□建幢刻陀羅尼

經呪明昌三年立又有明嘉靖四十四年碑記

永清周志

玉皇閣在縣南龐各莊

閣爲宋眞宗時舊基龐公某置腴地五十畝龐各莊因龐公得

名也

據萬厯修建玉皇閣碑

有碑五尺餘卧土中字跡漫滅惟慶字完好

前人以爲宋碑又有萬厯三十七年修建碑記

永清周志

東安

定覺寺在縣西北五十里常道鄉

寺建於唐垂拱三年并賜額五代時燬於兵遼天慶間承直郎

張銑復爲建立至金天會三年成正隆間韓承彥重修大定元

年奉直大夫楊俊卿復新之又有古營寺金明昌五年建團城

寺明昌六年建俱有碑存

舊聞考一百二十六

今古營團城二寺已廢

寺院

崇國寺在縣西北四十里僧法頭邨

金天會五年建有碑

東安
李志

甯國寺在縣西北五十里留犢邨

金大定三年邑人曹瑛建有碑

東安
李志

廣善寺在徐邨里固城莊

寺卽唐之靈應寺明洪武元年太監何至淵重建有碑景泰三年立寺內有浮圖一夕風雨中頂忽飛去今殘塔半枝湧出林表盤野鶻於空中迴倒影於天際誠佳景也

東安
李志

興勝寺在縣西北三十五里順民屯

寺金時建

東安
李志

靈巖寺在鳳河南

金大定五年僧供寶建

舊聞考一百二十六

淨安寺在固城里惠化鄉

寺明宣德三年太監張盛建正統四年賜額有碑

東安李志

香河

隆安寺在縣治東

俗名東大寺建自元時

香河劉志

明宣德間僧福海欲修之不果成

化三年僧戒明始修之有成化十二年禮部郎中直文淵閣關

西倪讓撰碑立碑時戒明嘗聞寺背有一龜跌湮沒無訪跡焉

主僧每自詣聖前虔誠懇祝以龜跌請禱一日羣兒戲于寺前

忽一兒見之淺土中入寺走報遂命工廣穴引出土眾聚觀無

不駭異咸曰主僧虔誠所致云

据重修隆安寺記

國朝順治五年僧性慧重修寺有靈塔塔廢僅存銘石高四五尺

計八角濶徑尺元時僧定仁塔也舊聞考一百十八

隆興寺在縣治西

俗名西大寺亦建自元時有塔高十丈舊名孫百萬寶塔香河劉志

寺既頽廢塔亦圯明嘉靖間僅存遺址至萬厯四十年知縣徐

一鳴壘石高之亦爲文筆峯舊聞考一百十八並修寺有邑教諭馬如

龍撰碑記後又頽毀

國朝康熙八年邱文科等重修香河劉志

鐵佛寺在縣東南十六里

寺舊有鐵佛像高丈餘元至正中佛見夢於僧曰吾緣法不當

住此將辭汝去僧以鐵鑲鑲佛臂一夕竟移去東光寺獨所鑲

臂存至今爲寺供養燕山叢錄

棲隱寺在縣南三十里

寺係遼時建內有康熙六十一年住持僧德意重修碑記寺有香城塔高五丈餘亦遼時與寺同建者

香河劉志

通州

佑勝教寺在州治西北隅

寺內有浮圖十三層高二百八十尺下作蓮華臺座高百二十

尺周圍百四尺虛中以祀佛

名勝志

宇文周時所建唐貞觀中尉

遲敬德修元大德間都哩都爾蘇再修

景物略

按原作篤列圖述今从舊聞攷譯改

明成化十二年文珍李昇等又修上有鐵矢舊以爲金將楊彥升所射

國朝華亭朱溶攀躋絕頂往視其跡謂循塔極而下分爲觚者八當觚處建瓴甃若鴟吻其上以其高危易墜也隱以鐵柱拄持瓴甃內歲久剝落鐵柱出遂謂若矢耳順治間塔益圯毀眾莫

能治久之一老僧來曰遲我耶故明時有語我者緣乃今至矣
遂始以康熙庚戌正月而訖功於是年之十月約共費二千金
又以餘力並塔築廊室蔭學道者又治銅爲鐸周塔上下聲可
聽或風大作疾霆甚雨駭電則鐸聲益奮聞者咸心動震怛云
朱溶然燈佛舍利塔記 同治六年邑人王均瑞等重修并添建紫雲宮

高志

靖嘉寺在州治東

原名慈恩寺俗呼大寺元至正二年建明初置僧正司於內正
統十年賜敕一道藏經一函天順二年敕名靖嘉宏治十年燬
州人王鑒等重建至正德十年僧正文端竣工知州藍晟撰記
萬厯末盡圯州人楊宗仁募建州紳劉廷諫譔記

國朝順治七年州人田大祿於寺建寶莊嚴閣造滲金銅塔工未

成歿康熙九年大祿子永隆出貲竣工州人康政譔記

通州高志

靖安寺在州治東

金大定十三年建明洪武間修萬厯十年僧妙來重修州人劉

效祖撰記

通州高志

寶通寺在州新城南門外

明天順七年內監張文鋒建敕賜額名寶通禮部尙書姚夔撰

記成化五年戶部尙書薛遠撰碑

國朝順治間內監劉應詔等重修

通州高志

立禪庵在張家灣

卽唐淨業院大厯中所建明宣德三年因趾重建改名淨業寺

嘉靖中僧時寶募修陸光祖撰記今名立禪庵

通州高志

法華寺在州新城西北

明萬厯間建

國朝康熙四十六年僧愍凡重修州人馬士璿撰記年久漸圯咸豐九年僧空秀募化重修時厯十年煥然改觀改名法華禪林

通州高志

三河

萬壽寺在縣署

寺建自

國朝舊有延福寺

元崇國寺碑陰

蓮宮寺元普安禪師建

道園學古錄

今久廢

武清

隆興寺在縣治南

建自明洪武中康熙辛巳僧祖洪修有宛平趙東旭撰碑

寺院冊

法昌寺在縣治東北

明永樂十八年建

武清吳志

寶坻

大覺寺在縣東

舊爲下管院遼重熙時老僧洪源建彌陀佛舍天慶六年建毘盧殿尋更爲十方院其後又建彌陀殿與兩廡及藏經之所內經一藏漆函金飾工制瑰瑋刻毘盧壇覆以毳幘珠纓寶幟文采燦然又建東堂及鐘樓開園鑿井甃垣一周有金張瓚撰寺記寺有大鐘亦遼時物

舊聞考一百十三

廣濟寺在縣西街

遼僧宏性及門人道廣創建結構精巧其中三大士暨環侍諸天神貌一一奇古不類近代裴或曰乃劉元所改塑也有遼碑二一銀青榮祿大夫檢校司徒宋璋佛殿記太平五年立今尙

存一重熙五年立年號猶標記於碑旁蓋卽一碑而上下連書

者後斷其半碑下尙餘字蹟寸許殿後爲寶祥閣高數十尺凭

闌遠眺崆峒諸山厯厯在目

寶坻洪志

洪福寺在平政橋

亦古刹高閣峻嶒虬松遠蔭渠水經其前新秋澄霽一望蔥然

寶坻

洪志

朝霞寺在縣西五里

寺創于明時有臺高二丈餘上爲準提殿相傳日將出先有光

射於殿角日沒亦然

寶坻洪志

甯河

霧臺寺在縣西南蘆家務

昔傳寺在河西居人邨落在河之東拜往跋涉邨中有一老嫗

每日渡河虔禱前後四十餘年不倦忽一日濛霧四塞杳冥晝
晦但聞半空風濤聲居民盡駭晴明視之寺已歸然河東矣故

名

甯河
關志

鐵神廟在縣南劉家河

相傳昔有老翁夢神降於室曰我海神也當爲我築宮其人不
解所謂早起往來河滸見有鐵像端坐水涯始悟神語因徧告
鄉人謀建廟宇然未識神之憑依何所也遂請於神以索擡之
期索斷處卽爲廟之基左右環走至劉家河西首而索四裂於
是卜吉成之往禱亦輒驗云

甯河
關志

魚骨廟在縣治南神塘

地近海當年有巨魚浮岸上其骨大且多土人因取之修一廟
其杙櫨枋椽俱用魚骨爲之

甯河
關志